



Broj: 01/1-50-1-1-66/09
Sarajevo, 23.3.2009. godine

Z A P I S N I K

66. sjednice Ustavnopravne komisije

Sjednica je održana 23. 3. 2009. , s početkom u 10 sati.

Sjednici su prisustvovali članovi Komisije: Šefik Džaferović, Halid Genjac, Drago Kalabić, Velimir Jukić, Martin Raguž, Ekrem Ajanović, Momčilo Novaković i Adem Huskić.

Sjednici nije prisustvovao član Komisije Lazar Prodanović.

Osim članova Komisije, sjednici su prisustvovali predstavnici: Ambasade SAD-a Michael Murphy, Melissa Shoenauer i Mirsad Žiga, OHR-a Maja Ribar, Ureda koordinatora Brčko Distrikta BiH u Vijeću ministara BiH, sekretar Ustavnopravne komisije Doma naroda PSBiH Zijad Hasić, poslanici Hadži Jovan Mitrović i Mirko Okolić, sekretar Predstavničkog doma PSBiH Branka Todorović, te iz Sektora za odnose s javnošću PSBiH Zoran Brkić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Komisija je jednoglasno usvojila sljedeći

D N E V N I R E D

1. Prijedlog amandmana I. na Ustav BiH, predlažać: Vijeće ministara BiH
(postupak u nadležnoj komisiji u skladu s članom 134. Poslovnika Doma).

- Ad.1. Prijedlog amandmana I. na Ustav BiH, predlažać: Vijeće ministara BiH
(postupak u nadležnoj komisiji u skladu s članom 134. Poslovnika doma)

Na Prijedlog amandmana I. na Ustav BiH amandmane su podnijeli: poslanici Stranke za BiH, poslanik Mirko Okolić, poslanik Hadži Jovan Mitrović, poslanik Šefik Džaferović i poslanik Momčilo Novaković.

Predsjedavajući je otvorio raspravu u kojoj su učestvovali članovi Komisije: Momčilo Novaković, Šefik Džaferović, Ekrem Ajanović, Halid Genjac, Drago Kalabić, Velimir Jukić, Martin Raguž i Adem Huskić, kao i podnosioci amandmana Hadži Jovan Mitrović i Mirko Okolić.

Nakon rasprave, Ustavnopravna komisija je, sa šest glasova „za“, bez glasova „protiv“ i dva „suzdržana“ glasa, prihvatila amandman I. Šefika Džaferovića koji glasi:

Amandman I.

U tekstu Prijedloga amandmana I. na Ustav BiH, nakon rečenice „Dosadašnji član VI. 4. postaje član VI. 5.“, dodaje se nova rečenica koja glasi:

„Amandman I. na Ustav BiH stupa na snagu osmog dana od dana objavljivanja u „Službenom glasniku BiH“.

Komisija, sa dva glasa „za“, pet glasova „protiv“ i jednim „suzdržanim“ glasom, nije prihvatila amandman I. poslanika Stranke za BiH koji glasi:

Amandman I.

U Amandmanu I. na Ustav BiH iza stava 3. dodaje se novi stav 4. koji glasi:

"Kada većina poslanika u Skupštini Brčko Distrikta BiH odluči da pokrene spor pred Ustavnim sudom BiH, a ta većina ne uključuje najmanje jednu petinu izabranih poslanika iz svakog konstitutivnog naroda i spor nije pokrenuo neki od drugih ovlaštenih pokretača u narednih 30 dana, član Predsjedništva BiH ili predsjedavajući ili zamjenik predsjedavajućeg bilo kojeg doma Parlamentarne skupštine BiH pokrenut će taj spor nakon zahtjeva najmanje jedne petine izabranih poslanika u Skupštini Brčko Distrikta BiH koji dolaze iz istog konstitutivnog naroda kao on ili ona. Tako pokretanje mora biti urađeno u roku od 30 dana od dobivanja zahtjeva i u onoj formi koja je precizirana u zahtjevu."

Komisija, s jednim glasom „za“, četiri glasa „protiv“ i tri „suzdržana“ glasa, nije prihvatila amandman poslanika Mirka Okolića koji glasi:

Amandman I.

U prvom pasusu u posljednjoj rečenici iza riječi: „Odnos između Brčko Distrikta BiH i institucija Bosne i Hercegovine i entiteta dodaju se riječi: „Federacije BiH i Republike Srpske.“ U drugom pasusu iza riječi: „koja se može javiti između jednog ili“ riječ „više“ mijenja se „riječju „oba“.

Komisija, s jednim glasom „za“, četiri glasa „protiv“ i tri „suzdržana“ glasa, nije prihvatila amandman I. poslanika Hadži Jovana Mitrovića koji glasi:

Amandman I.

U prvom stavu riječ „entiteta“ mijenjaju se riječima: „dva entiteta (Republika Srpska i Federacija BiH)“.

Komisija, s jednim glasom „za“, četiri glasa „protiv“ i tri „suzdržana“ glasa, nije prihvatila amandman II. poslanika Hadži Jovana Mitrovića koji glasi:

Amandman II.

U drugom stavu riječi: „više entiteta“ mijenjaju se riječima: „oba entiteta“.

Komisija, s jednim glasom „za“, četiri glasa „protiv“ i tri „suzdržana“ glasa, nije prihvatila amandman III. poslanika Hadži Jovana Mitrovića koji glasi:

Amandman III.

U trećem stavu riječi: „najmanje jednu petinu“ mijenjaju se riječima: „najmanje jednu trećinu“.

Komisija, s jednim glasom „za“, pet glasova „protiv“ i dva „suzdržana“ glasa, nije prihvatila amandman IV. poslanika Hadži Jovana Mitrovića koji glasi:

Amandman IV.

Nakon stava 3. dodaje se stav 4. koji glasi:

„Ustavni sud Bosne i Hercegovine vrši nadležnost u pitanjima koja se odnose na status i ovlaštenja Brčko Distrikta BiH samo uz saglasnost oba entiteta (Republika Srpska i Federacije BiH).“

Komisija, sa dva glasa „za“, četiri glasa „protiv“ i dva „suzdržana“ glasa, nije prihvatila amandman I. poslanika Momčila Novakovića koji glasi:

Amandman I.

U stavu 2. riječi: „jednog ili više“ brišu se.

Komisija, s jednim glasom „za“, pet glasova „protiv“ i dva „suzdržana“ glasa, nije prihvatila amandman II. poslanika Momčila Novakovića koji glasi:

Amandman II.

U stavu 3. riječ „petinu“ zamjenjuje se riječju „trećinu“.

Ustavnopravna komisija je, sa sedam glasova „za“, jednim glasom „protiv“ i bez „suzdržanih“ glasova, odlučila da:

- prihvati Prijedlog amandmana I. na Ustav BiH sa usvojenim amandmanom i predlaže Predstavničkom domu njegovo usvajanje;
- za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajućeg Komisije Šefika Džaferovića.

U skladu s članom 116. Poslovnika Predstavničkog doma, prilog ovom izvještaju čine transkripti s javnih rasprava održanih u Brčkom, Banjoj Luci, Tuzli, Mostaru i Sarajevu, koji su zajedno s drugim materijalima već proslijeđeni svim poslanicima.

S obzirom da nije bilo više pitanja, sjednica je završena u 12 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović